



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.**

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

**Gavanti, Bartolommeo**

**Venetiis, 1647**

De Officio B. M. in Sabb. 6.

**urn:nbn:de:hbz:466:1-9521**

gesariam Dedicationem Ecclesiae, puta, vel diem Dominicum proximiorem, vel alium adeo commodum, ut possint Octauae celebrari liberius; & populus, præserit rusticus, maiori frequentia colere Festum possit. Translationem vero eiusmodi à Consecratore possieri ex iusta causa, decreuit Sacra Congregatio Rituum die 19. Februario 1585. ut referat Paulus Piascius in sua praxi part. t. c. 5. nu. 8. §. diem, & Congregatio item Cardi super negotia Episcoporum, respondens hac de re Episcopo Bissonen. die 14. February eiusdem anni citato Specul. consil. 4. part. 3. rubr. 52. Extra actum vero Consecrationis non potest amplius mutari Festum, inconsulta sancta Sede Apostolica: que 16. Octobris 1604. iussit fieri de Dedicatione Ecclesie in ipsam die Nati. Beatae Virg. in qua accidit Consecratio: & duas ponit catari Missas de duabus Festis, seruata in reliquis Rubrica de Concurrētia Octauarū.

5. Præter propriæ Ecclesie Dedicationem, celebrari quoque debet anniversaria Dedicatione Ecclesie Cathedralis, in Cittate quidem cum Octaua, in Diœcesi sine Octaua, ex Decreto Sacre Rituum Congragat. 2. May 1619. erit tamen, in Diœcesi quoque, primæ Classis Festum, instar eorum, que transferuntur ultra Octauam, & sine Octaua celebrantur; vel, uti Festum Patroni loci; quod celebrari debet à Regularibus; qui tamen non tenentur ad Octauam celebrandam. Neque tenentur idem ad hoc Festum Dedicationis Ecclesie Cathedralis, nisi ex quadam congruentia, & præferentia, si populare sit Festum; non Clericatum: ob rationem allatam supra, cum de Patrone loci ageremus. Quod si concurrant, seu occurrant Dedicationum Festas, vel Octauas; pro varietate Orationum, sumi ea poterit, que assignata est ipsi diei Dedicationis. quod additum fuit Rubrica in postrema Breu. recognitione.

6. Ocurrentibus autem, Dedicatione proprie, & Dedicatione Cathedralis Ecclesie, eodem die, quemam erit celebranda: Rota Roman. decis. 616. nu. 1.

& per totum in recentior. part. i. desinit, preferendam esse Dedicationem propriæ Ecclesie. quare de hac fieri officium infra Octauam cum Commem. Oct. De dic. Cathedralis; translato Feste altero in primâ diem non impeditam. neque dixerim, esse communia privilegia hisce duabus Dedicationibus, quæ Dedicacioni proprie Ecclesie data sunt, nisi noui Decretu fiant communia; puta, si ocurrant infra Oct. Epiphaniæ.

7. Officium Dedicationis est Duplex maius, apud Duran d. libr. 7. c. 1. cum Octaua, ibid. vbi & indicat officium, quo nunc utimur c. 48. Psalmos notans resonantes portas, atria; & ædificia. concordamus cum Breuiat. M.S. & edito 1550. quod est vicinus Concilio Tridentino, & Pio V. restituenti Breuiarium Romanum, neque Pius mutauit, nisi de more suo Lectiones primi Nocturni, vt essent de Scriptura, iuxta Regulam antiquam Romanam, ex Radulpho proposito. 11. addiditq; Lectiones varias pro tota Octaua, & Orationem propriam pro ipso die Dedicationis. Atque ex hac Octaua, quæ non habent alia Sanctorum Communia, cum Lectionibus uniuersique diei assignatis, colligitur eiusdem Festi excellētia, & dignitas super alias Octauas Sanctorum, que celebrantur cum Lectionibus de Comuni sumpcis. De Antiph. & Psalmo: Qui habitat, in 3. Nocturno; vide que diximus Secl. 5. c. 7. nu. 12. pag. 60. contra regulam communiorum Breuiarij. Responsorium breue ad sextam non sufficit à versu secundi Nocturni matutini: quia hic versus, nō potest diuidi in prima sui parte: & idem vice illius dicitur: Locus iste Sanctus, &c. Habet alia de Dedic. Eccles. in 1. Tom. pag. 221.

De Officio Beatæ Mariæ in Sabbato.  
Cap. VI.

1 **S**abbatum dicatum esse Beatæ Virginis constat, & Docuimus Tomo 1. pag. 6. meminitque huius titus Microlog. c. 60. & Urbanus II. contemporaneus Micrologo in Concilio Claramont. Anno 1096. officium in Sabbato Beatæ Vir-

K 2 gi-



gini Decreto suo destinavit. Radulph. *proposito. 20.* Non est ergo votuum, ut aliqui scriperunt; sed præceptuum, quod habet originem, impropriè, à voto Ecclesiæ, si votuum contendas esse.

2. Ritus officij est ad modum Festi Simplicis, quod optabat Radulph. *ibid.* nec tamen appetit, quo ritu tunc temporis officium fieret de Beata Virgine hac die; sed neque repetitur officium hoc in Sabbato in Breuiarijs M. S. & fortasse id cause fuit; quia ante Pium V. tenebatur Clerus ad recitationem quoridianam, officij parui Beatae Mariæ, una cum officio Domini: quam obligationem abrogauit Pius in Bulla ante Breuiariū posita.

3. Quare totum hoc officium cum Lectionibus Sanctorum Patrum singulo mense pro varietate legendi, iussu Pij V. fuit compositum, & editum. Clemens VIII. illud recognouit, mutata tantum Lectione pro mense Aprilis, quæ erat Sancti Epiphanij, nunc verò S. Hieronymi.

4. Fit autem in omnibus Sabbatis nō impeditis officio, quoad ritum, digniori, quale est etiam Feriæ maioris, aut Dominicæ anticipatæ, quæ scilicet suum non habet locum, ut diximus *Sect. 3. c. 5. n. 9. pag. 21.* quam quidam nimis pij erga B. Virg. anticipare vellent in alia Feria, nimia amantes sui, ne Sabbati officiū recitent feriale cum Nocturno, & Laudibus prolixioribus. Festum Simplex cedit huic officio Simplici de Beata Virgine ratione dignitatis eiusdem in pari ritu; & de Festo Simplici fit tantum cōmemoratio.

5. Et ideo ad modum Festi Simplicis officium hoc incipit in Vesperis Feria sextæ; vel à Capitulo, si ille dies ferialis est; vel per commemorationem, si eo die Festum est nouem Lectionum. In Completorio Feriæ sextæ, quāuis sit de eo Ferito nouē Lectionum, in fine tamen Hymni ius habet B. Virgo, ut dicatur; *Iesu tibi sit gloria, Qui natus es de Virgine;* nisi Festū sit Trāfigurationis Domini, quod habet propriū finē omnibus Hymnis illius diei destinatum, & Festū est Domini.

6. Quod si Feria sexta fuerit Festum eiusdem Beatae Virg. in secundis Vespe-

ris omittitur cōmemoratio officij in Sabbato; quia non conuenit, vt de eadē fiant Vesperæ, & cōmemorat. casus accidere potest in Purificationis Festo, quod celebratur Feria 6. seu in die Octaua, que fit alicubi, eiūdēm Purificationis; præterea nullus. & hac eadem de causa, inter Suffragia Sanctorum communia, nihil in hoc officio dicitur pro Suffragio, seu commemoratione Beatae Mariæ, nec in primis Vesperis, nec in Laudibus. Ad Nonam finis est huius officij, sicuti Festorum Simplicium.

7. In Nocturno Sabbati omittitur Psalmus: *Jubilate*; pro quo dicitur Psalmus è Laudibus Sabbati: *Bonum est*; ne ille bis dicatur in Matutino, & Laudibus, quæ constituant, ut supra diximus, viam Horam, tūm, ne hic per Hebdomadā omittatur: & ideo fit commutatio.

8. Pro varietate temporum additæ sunt aliq. Antiphone, cum Orationibus pro tempore, post Nativitatem, usque ad Purificationem, quæ sumpt̄e sunt ex officio paruo B. Virg. tum aliq ad *Magnificat*, & *Benedictus*; pro tempore Paschali; quo & additur, *Alleluia*. Invitatorio, Antiphonis, Responsorijs, & Versibus.

9. Lectione Assignata Martio eo anno tantum legitur, quo Pascha celebratur die 20. vel 21. & ultra, mensis Aprilis; ut videre est in Tabulis nostri Ordinis perpetuâ Tabula 30, usque ad 35.

10. Ea item lectione assignata mensi Decembris non legitur umquam, nisi quādo Dominica prima Adventus incipit in die 2. Decembris. Relique sepius leguntur.

11. Queres: An superfluat illa Parenthesis in Rub. generalibus, tit. 8. n. 2. ubi de hoc officio: in Semiduplicibus (*quando eius officium parvum non dicitur*) fit eius consueta commemoratio per annum in Semiduplicibus non dicitur officium paruum de Beata Virgine, sed explica illud: quando. ideo, quo die; vel indicat Parenthesis, alicubi dici officium parvum de B. Virgine etiam in Semiduplicibus, ob consuetudinem, de qua Sectione sequenti cap. I. num. 6.

SE